

borang surat piawai dan juga pihak-pihak lain yang terlibat.

- (b) Kedua-dua Subkontraktor Dinamakan dan Pembekal Dinamakan hendaklah menandatangani Surat Jaminan Tanggung Rugi, dengan menggunakan borang JKR 203N7 Pind. 2007 atau JKR 203P7 Pind. 2007 sebelum Kerajaan boleh membuat bayaran secara terus kepada mereka.

14.9.3. Apa-apa bayaran yang dibuat secara terus kepada Subkontraktor Dinamakan dan Pembekal Dinamakan, sama ada bayaran melalui Perakuan Bayaran Interim atau Perakuan Muktamad, adalah disifatkan sebagai bayaran yang dibuat oleh Kerajaan kepada kontraktor menurut peruntukan syarat-syarat kontrak P.W.D. 203/203A (Rev. 2007). Sehubungan dengan itu apa-apa bayaran yang dibuat secara terus kepada Subkontraktor Dinamakan dan Pembekal Dinamakan oleh Kerajaan adalah sebenarnya disifatkan sebagai bayaran yang dibuat bagi pihak Kontraktor kepada Subkontraktor Dinamakan dan Pembekal Dinamakan.

14.9.4 Kontraktor berhak dibayar dan Kerajaan boleh membuat pembayaran kepada kontraktor daripada bayaran yang kena dibayar kepada Subkontraktor Dinamakan atau Pembekal Dinamakan berkaitan dengan perkara-perkara berikut:

- (a) Memotong atau menolak daripada apa-apa jumlah yang kena dibayar kepada Subkontraktor Dinamakan atau Pembekal Dinamakan di atas sebab tindakan kemungkiran kontrak oleh Subkontraktor Dinamakan atau Pembekal Dinamakan, dengan syarat kedua-dua belah pihak bersetuju dengan jumlah potongan tersebut.
- (b) Tuntutan Kerugian dan Perbelanjaan Tambahan Kontraktor terhadap Subkontraktor Dinamakan atau Pembekal Dinamakan, disebabkan tindakan kemungkiran kontrak oleh Subkontraktor Dinamakan atau Pembekal Dinamakan, dengan syarat Kontraktor membuktikan kerugian serta jumlah perbelanjaan tambahan dengan terperinci.
- (c) Award yang diputuskan dalam tuntutan timbang tara atau keputusan undang-undang yang berpihak kepada Kontraktor berkaitan dengan pertikaian di antara Kontraktor dengan Subkontraktor Dinamakan atau Pembekal Dinamakan.